


Iroun Beretitenti  
Henry B. Eyring  
Moani Kauntira  
n te Moan Beretitentii



# Ai Korakorara Kukureim

**T**abeua kukurei n te maiu aei a karewerewe ao abwabwaki kabaneaia nakon atakin are ngkoe ko buokia tabemang ni kaokan ana euangkerio Iesu Kristo i nanoia. Reken te kukurei bon te kariaiakaki nakoia kaain te Ekaretia. Ngke ti bwabetitoaki, ti karaoa te berita bwa tina riai “n riki bwa taan kakoaua ibukin te Atua n taai nako ao ni bwaai nako, n taabo nako ake [ti] na nako iai, ni karokoa te mate, bwa [ti] aonga ni kamaiuaki iroun te Atua, ao n rin ibuakoia ake ana ira te moan mangauti, bwa [ti] aonga ni karekea te maiu are akea tokina” (Motiaeae 18:9).

Kaain te Ekaretia a butimwaaai mwakoron tuua are e anganaki te Ekaretia n uota te euangkerio nakon te aonaaba, n te tabo raa ao n aron teimotoan maiuia. Ao e taku te Uea ni kamatata: “Nooria, I kanakoko bwa kona kakoaua ao ni kauringia aomata,bwa a na uring bwaai aikai kaain rarikim” (D&C 88:81). Mitinare aika a bwanin aia tai iai te kariaiaki bwa a kona reireini aomata ake a tuai ni kaaina te aro. Membwa n te Ekaretia ana karekea te mwaaka are a na kona ni kakaia naake e a tia ni katauraoia te Uea bwa ana reireiaki irouwia mitinare.

Ti tangiria bwa ti na kamwakura ara onimaki bwa e a tia te Uea ni katauraoia aomata ake irarikira bwa ana reireinaki. E bon ataia bwa antai ngaiia ao n ningai ae a na tauraoi iai, ao E kona ni kairiira nakoia man

mwaakan te Tamnei ae Raoiroi ao n anganiira taeka bwa ti na kaoia n reireinia. Ana berita te Atua are angan te mitinare n te 1832 bon te berita naba are E anganiira n ara mwakuri ni kakaeia aomata aika tauraoi n reireinaki irouwia mitinare. E taku bwa e na kanakoa nakoina te tia Karaunano, are e na reireinna te koaua ao te kawai are e na nako iai; ao ngkana e kakaonimaki, N na baunna riki ma bwabwati n wiita (taraa D&C 79:2-3).

Ao te berita ibukin te kimwareirei ae korakora ibukiia mitinare aika kakaonimaki bon ara bwai ngaira membwa aika a kakaonimaki are ti anga nanora nakon te mwakuri ni mitinare:

E taku te Uea bwa e na korakora kimwareireira ngkana ti kaira temanna te tamnei a Nakoina nakon nabaneuean Tamana, e na korakora kimwareireira ngkana ti uotia tamnei aika mwaiti Nakoina! (taraa D&C 18:15-16).

Iai Ana euangkerio imwaira, Ana bwaa, ao Ana kamaiu.

Ngkana ti bubutia te Tama n arana,n te oni makia ni kakoaua bwa ti kona ni karekea, ti na karekea te Tamnei ae Raoiroi, are e na kaotii bwaai ni kabane nakoia natia Naomata (taraa D&C 18:16-18).

Man ana mwakuri te Tamnei Ae Raoiroi e buokira bwa ti na ataia ao mani kaoia naake a tauraoi n

reireinaki, te Uea e weteiaa ao e kataneiaia taan kairiri bwa ti na kairaki irouia. N te reta ae koreaki iai bongin te namwakaina ae Beberuare 28, 2002, ao te moan Beretitentii n taabo nako e anganiia tabeia nako ara mitinare iaoia nako ara bitiobi ao ai uoote nako.<sup>1</sup> Ao man aia ibuobuoki uoote ke mwaanga nako, te tia koroboki ni kakoroi mooti n te nakoanibonga e karikirakea te babaire ibukin te iunite. Ao man te babaire anne are taian kaoti iaoia kaain te aro bwa a kanga ni kuneia te koraki ake atau raoi n reireiaki irouia mitinare. Iai taabo aika aranaki bwa taan kairiri n te mition n taian uoote ao mwaanga. Te tia kairiri n te mition e na korakora ana reitaki ma mitinare aika a bwanin aia tai n iko-taki ma aomata ake a kan ongo te euangkerio.

A mwaiti kawai aika ko kona ni katamaroai ibon iroum ibukin buokam n ibuobuoki ni kakaeaia aomata ibukia mitinare ake a na angareirei. Uarereken te kawai e bon kabebetea tamaroana

Tataro bwa e a onga ni kairiko te Tamnei ae Raoiroi. Taetae ma am tia kairiri ni koaua ao mitinare ,tuangia ibukin am iango ma am berita nakoia ibukin am ibuobuoki. Kauringia naake iai rekerekeia ma ngkoe n te mwakuri, ao ana riki bwa am tia kakoaua n taai nako ni baike ko taekini ao ni mwakuri. bwa Iesu bon te Kristo ao te Atua ae kaekai taian tataro.

I kakoaua bwa te Tamnei ae Raoiroi e na kairiko raoi ibukia te koraki ake a ukoukora te koaua ngkai ko tataro ao mani mwakuri ibukin te kairiri anne. Ao I ataia man te bwai are I rinanona bwa kimwareireim e na reiti nako ma naake a rinea bwa a butimwaea te euangkerio nako nanoia n teimatoa inanon te onimaki

#### BWAII AIKA A NA TARAARI

1. Taraa Rongorongan te Ekaretia: Mwakuri ni Mitinare ae Kakawaki n te Uoote ao Mwaanga.

#### ANGA REIREI MAN TE RONGORONGO AEI

- *Teaching, No Greater Call* e tuangira bwa ti na kaungai nanoia naake ti reireinia bwa a na bairea aia kainibaire ni buokia naba bwa a na reireinaki te tua ake a tia reireinaki iai (taraa te iteranibwa 159). Ma am utu, iangoa kinaakin kakabwaia man aia mwakuri mitinare are e taekinaki iroun

Beretiteti Eyring ao, ngkana ko kairaki iroun te tamnei, kaoa te utu bwa a na katei aia kouru ibukin tibwauaan te euangkerio.

- Iangoia mani babaireia raoi ma am utu kawai aika kona n tibwa iai te euangkerio, uringakin ana taeka n reirei Beretitenti Eying bwa "uarereken te kawai e bon kabebetea tamaroana." N reiakinaki riki taekan baika a baireaki raoi, taraa *Teaching, No Greater Call*, iteraniba 160.

## RORONRIKIRAKE

### A Mwaiti Mitinare inanon Maiu

Iroun Elizabeth S. Stiles

**N**te moan Taabati I nako n taromauri ma mitinare. I kinaia aomata ake I ikawai rake mangaiia ao I ataia bwa a roko man te tabo ae ti tebo. I noora temanna ae bon ti raoraou n te reirei, ae te tia koroboki erementuri ao te reirei ae rietata, te aine ae I aki rangin raoiroi nakoina n taai aika a nako,aongai te kairake n ataeinimwaane ae iai nanou irouna ngkoa.

Aomata aikai n tatabemania nako e reiti nako rootakiu irouia. Raoraou ni koaua are bon te kai rake n ataeinaine e bon kokoaua ao man itiaki nanona, ao man tamaroan neiei are ngaia are I a riki bwa kaain te Ekaretia. Te tia koroboki are raoraou ngkona te reirei are ngaia are e buokai ao n tuangai bwa ngaia I bon rangi ni kakawaki. I reiakinaki taekan te tangira n atua ao te tangira ae kororaoi mairoun te kairake n ataeinaine are e butimwaeai n aki ongea karakon anuau n akoi nakoina n taai aika a nako. Au kaitataan inanon au ririki ae te bwi tabun, e katea te banna ni katoto ae tamaroa, I kina ootana ao n tangiria ni memena irarikina.

Baika I a tia n rinanona aikai a buokai n reirenai bwa, imwaain au moan reitaki ma mitinare, Tamara are i Karawa e a tia ni katauraoai bwa n na butimwaea te euangkerio rinanoia aomata are e a tia ni katauraoiiia ibukiu. Mairouia I reiakinna bwa man te bwai ae uarereke ae ti kona ni karaoia iai mwiiia aika korakora. Te bwai ae rangi ni kakawaki, I a tia n reiakinna bwa te mwakuri ni mitinare e bon moanaki mai irou.

## Te Euangkerio—te Bwaintangira n ti Tibwaaki

Te taeka *euangkerio* nanona ni kabane reirei ao tua aika ti anganaki mairoun lesu Kristo ao Ana burabeti. Te euangkerio aiaron te bwaene ae onrake ma te bwai n tangira mai iroun Tamara are ikarawa. Ko kona ni ibuobuoki n anga te bwai n tangira nakoia aomata nako. Riki nakoia te koraki ake akan ongo taekan te euangkerio.

Wareka kiibu aikai n tatabeua ao karaoa am rinan n ara ke tamnei tabeua taian bwai n tangira are a karinaki n te euangkerio.

1. Iakobo 5:14–15
2. Motiaeae 16:6–7
3. 3 Nibwaai 18:1–10
4. D&C 20:72–73
5. D&C 33:16–18
6. D&C 89:4, 18–21
7. D&C 132:46
8. D&C 137:10
9. D&C 138: 32–34

© 2011 iroun Intellectual Reserve, Inc. A bane n tauaki mwiin taian kariaia ibukin katootongana. Boretiaki i USA. Kariaiakaki n te Ingiriti: 6/10. Kariaiakaki rairana: 6/10. Rairan te *First Presidency Message, February 2011*. Kiribati. 09762 859



Onimaki • Utu • Buokaki

# Kaokan Bwaai ni Kabane

*Kamatebuia te karaki aio ao, n ae e angaraoi, maroroakinna ma taian tiitita ake ko kawariia. Kabonganai titiraki ni buokiko ni kakorakoraia am tiitita ao ni karoa te Bootaki n Aine bwa iteran maium ae kakammwakuri.*

**T**e Burabeti Iotebwa Timiti e katea te Bootaki n Aine man ana itera te aro. Ngkai ngaia te Beretitenti, ara kantaninga bwa ti kona ni ibuobuoki ni kaotako raoi bukin tera te Bootaki N Aine e kakawaki inanon maium.

Ti ataia bwa aine man te Nu Tetemanti a kaota aia onimaki iroun Iesu Kristo n aroia nako ao ni karoan Ana mwakuri. Ruka 10:39 e tuangira rongorongan Maria, ngaia are “e tekateka i waen Iesu, ao e ongo ana taeka.” Ni Ioane 11:27 Marea e kakoaua Iesu: “E taku nakoina, Te Uea, I riai: I taku ba e koaua ba te Kristo Ngkoe, are Natin te Atua, are roko i aon te aba.” Mwakuri 9:36, 39 e taekinaki ikai aron “te reirei temanna ae arana Nei Tabita, . . . ao bon te tia makuri ae koro raoi. . . . Ao aine aika mate buuia a bane n tei irarikina . . . ma ni kaoti kabwaraki ma kunnikai ake [e] karaoi neiei.” Nei Boibe, are n I-Rom 16:1–2, bon “te riikan n te ekaretia” ao “te tia buokia aomata aika bat.”

Aikai baana ibukin te onimaki, koaua, ao te mwakuri ni ibuobuoki e teimatoa n te Ekaretia ni boong aika kaitira ao a baireaki ma katean te Bootaki n Aine. Julie B. Beck, te beretitenti ni kabuta n te Bootaki n Aine e tuangiira “Bwa ngkai te Tia Kamaiu e kaoia Maria ao Marea n

tain te Nu Tetemanti a buoka karoan Aia mwakuri, aine ni boong aikai iai katabeaia ae kakannato ni karoan Ana mwakuri te Uea. . . . Katean te Bootaki n Aine n 1842 e kammwakura mwaakaia aine ao katabeaia ae onoti ni katea abanuean te Atua.”<sup>1</sup>

Ti na riai ni katiai raoi ara mwakuri ngkai ti kabanei narrora nakon ana botoniango te Te Bootaki n Aine: ni karikirakea ara onimaki ma te kororaoi i bon iroura, kakorakorakiia ara utu ao ai mweengara, ao n ukeuke nako ao ni buokiia te koraki ake a kainnanaoa buokaia.

I kaotia bwa Te Bootaki n Aine e bon bwarongaaki raoi mai i Karawa ni buoka te mwakuri ibukin te kamaiuaki. Kaain te Bootaki n Aine n tatabemaniia iai tabeia ae kakawaki ae a na karoia ni kakoroan nanon te mwakuri ae tabu aei.

*Silvia H. Allred, moan kauntira n te beretitentii ni kabuta n Aia Bootaki Aine.*

## Man Koroboki aika tabu

Ioera 2:28–29; Ruka 10:38–42; Iebeto 1:10

## Man Ara Rongorongo ni Kawai

Titita Julie B. Beck e reireiniira bwa “ti na ataia bwa rinanon te Burabeti Iotebwa Timiti bwa te

Bootaki n Aine bon te mwakoro ae baireaki ibukin Kaokan Bwaai.”<sup>2</sup> Ao mani waakinan kaokan bwaai e moanaki ma te Moan Kaotioti n 1820 ao man reitaki “rain iaon te rain, te tua iaon te tua” (D&C 98:12). Ngke e moan barongaaki raoi n te namwakaina ae Maati 17, 1842, ao te Burabeti e reireiniia aine nneia ae kakawaki inanon te Ekaretia ae e a tia ni kaokaki. E taku, “Te Ekaretia e aki kona ni barongaaki raoi ni karkoae ae a barongaaki raoi aine.”<sup>3</sup>

## BWAII AIKA A NA TARAAKI

1. Julie B. Beck, “Kakoroan Nanon ana Botoniango te Bootaki n Aine,” *Riaona*, Nobembwa. 2008, 108.
2. Julie B. Beck, “Kakoroan Nanon ana Botoniango te Bootaki n Aine,” 108.
3. *Aia Reirei Beretitenti n te Ekaretia: Iotebwa Timiti* (2007), 451.

## Tera ae I Kona ni Karaopia?

1. Tera buokaia au tititati n te namakaina aio bwa aonga n onimaki ao man irira Iesu Kristo?
2. Tera ana reirei te euangkerio ae manga kaoka are N na kamatetbwaia ni kakorakora au koaua n te namwakaina aei?

Ibukin rongorongona riki, nakon [www.relfiefsociety.lds.org](http://www.relfiefsociety.lds.org).